

ԶՎԱՐՃԱԼԻ ՓԻԼԻՍՈՓԱՅՈՒԹՅՈՒՆ

ՍԵՐԳԵՅ ՄԱՆՈՒԿՅԱՆ

(փիլիսոփայական գիտությունների թեկնածու, ԵՊՀ դոցենտ)

Թալեսի մայրը Թալեսին հորդորում է ամուսնանալ: Թալեսը պատասխանում է, թե դեռ շուտ է: Տարիներ անց մայրը նույն պահանջով է դիմում: Այս անգամ ստանում է հետևյալ պատասխանը, թե արդեն ու՞շ է:

Մի անգամ Թալեսը տանից դուրս է գալիս աստղերը դիտելու: Ստացվում է այնպես, որ ինքնամոռաց երկնքին նայելով՝ ընկնում է մի խոր փոսի մեջ: Անհանգստացած կանչում է.

- Օգնեցե՛ք, օգնեցե՛ք:

Մայրը մոտենում է ու ասում.

- Է՛~ Թալես, դու չես տեսնում ոտքերիդ տակը ու դեռ ցանկանում ես ճանաչել այն,ինչը երկնքում է:

Հույն փիլիսոփաներից մեկը ասում էր, թե կյանքի ու մահվան միջևտարբերություն չկա: Նրան հարցնում են, թե ինչու այդ դեպքում դու չես մեռնում: Նա պատասխանում է, թե հենց այն բանի համար, որ տարբերություն չկա:

Երբ Դիոգենեսը գերի է ընկնում և հանվում վաճառքի՝ գնորդի այն հարցերին, թե ինչ կարող է անել, պատասխանում է, թե կարող է մարդկանց վրա իշխել, և իր կողմից գնորդին հարցում է, թե չի ցանկանում արդյոք նա իր համար տեր գնել:

Ադրյուրից բաժակով ջուր խմող Դիոգենեսը տեսնելով, թե ինչպես մի պատանյակ կռացած անմիջապես ադրյուրի ակունքից է ջուր խմում, ասում է.

- Այս պատանին ինձ գերազանցեց:

Մի անգամ, երբ Դիոգենեսը արևի լոգանք է ընդունում, Ալեքսանդր Մակեդոնացին՝ մոտենալով նրան և կանգնելով գլխավերևում, ասում է.

- Ինչ ցանկանում ես խնդրի ինձնից:

- Մի ծածկիր արևը,- հետևում է պատասխանը:

Մի երիտասարդի Սոկրատեսի տված այն հարցին, թե ինչ խորհուրդ կտա՝ ամուսնանալ, թե ոչ, իմաստասերը պատասխանում է, թե վարվիր ինչպես ցանկանում ես, միննույն է երկու դեպքում էլ փոշմանելու ես:

*Բաժինը վարում է փիլիսոփայության
գիտությունների թեկնածու, Երևանի պետական
համալսարանի տեսական փիլիսոփայության
ամբիոնի դոցենտ Սերգեյ Մանուկյանը:*